

春曉雨

雨晴春色倍光輝風引泉聲出翠微宿鳥繁吟朝門巧遊人遠  
適夜忘歸參差綠樹初騰秀浩汗青苗乍長肥洞口時聞三島  
鶴天隅來訪一簑衣

堅志

吾之向道極心堅佩服丹經自早年遁跡巖阿方十九飄蓬地  
里越三千無情不作鄉中夢有志須爲物外仙假使福輕魔障  
重挨排功到必周全

自詠

自遊雲水獨崢嶸不戀紅塵大火坑萬頃江湖爲舊業一簑煙

道藏輯要

磻溪集

八

又胃集二

兩任平生醉來石上披襟卧覺後林間掉臂行每到夜深雲霧  
處蟾光影裏學吹笙

答甘北鎮孟秀才

乃處州也

一別家鄉整十年飄蓬雲水入秦川衣寬腹蕩秋來補食飽蕭  
條夜處眠陝右不干浮世事天涯曾遇大羅仙功虧未得長生  
信坐待嘉音曠峪前

答李四秀才邀佳渭北

彼有詩年前曾許過河來

本來今歲合雲遊性劣那堪道未周故我身心隨日月與他巖  
壑度春秋深承號邑多才士遠訪磻溪遁跡流不在相邀居北  
郭此中亦可論真修